

**Media Monitoring**

Publication: **Berita Harian – Sukan**

(Page: **43**)

Circulation/Audience: **231,163**

Date: **30 November 2007**

Reference: **Monsoon Cup**

Headline: **Pelayar resah tiupan angin di luar jangkaan**

## Pelayar resah tiupan angin di luar jangkaan

**R**INTANGAN angin akan menjadi halangan paling besar skuad pelayaran negara dalam misi mengutip lima pingat emas seperti disasarkan pada Sukan Sea XXIV di Pattaya City, Thailand.

Hasil latihan sejak 19 November lalu, keadaan angin di sekitar Pattaya ialah 20 knot, keadaan cuaca yang tidak sesuai buat pelayar negara mencatat persembahan baik di

laut yang bergelora.

Bagaimanapun keadaan kembali baik sejak dua hari lalu bersama tiupan angin antara 8-10 knot, tiupan angin sederhana yang disifatkan keadaan paling sesuai untuk pelayaran.

Pengurus pasukan pelayaran, Abdul Malik Sulaiman, berkata ketika ini semua pelayar berlatih bersendirian sambil beberapa negara turut menjalani latihan di sana se-

perti Filipina, Singapura dan Thailand.

“Pelayar kita berusia lingkungan 18-20 tahun, jadi angin yang sederhana amat sesuai buat mereka, saya harap pada pertandingan nanti keadaan laut akan kekal seperti sekarang.

“Bagaimanapun kita sudah bersedia dan mempersiapkan diri jika berlaku perubahan angin yang boleh mengganggu,” katanya.